



[www.BibleForChildren.org](http://www.BibleForChildren.org)




Jôon 14



Dula jigini Yeezu a yaa weeni wa njaanviirima ayen, “Ni kan basi ate wari a daani ni, ni suniima po. Ni ta siaka ale Naawen abe ni ta siaka ale mi. Mi Kowa boka jigini a ta ka diina nna boari boari ya.”



“Mi abe pilim a cheŋ ku jigini kama, ayen m gomsɪ jigi a te ni. Ase ku dan kan daa dila, m te kan weeni ni. M dan gomsɪ ŋa a nueri, m le ŋman jam a ta ni a cheŋ ku jigini ate nama ale mi a maa chaab a bo jigi yeŋ.”



Mi, Joon, ka ni suok. Mi ale nama a namu kama  
Yeezu nyin, alege wa a maari ti ate ti a siak a te  
ti ninammu ayen dai yen ti le jo wa naamu

po. Ba pai mi a basi ka  
Patmos ate nyiam doa


gilim ka  
la po.




Ba ale nyc nna dii nyin la, m jam mooli ka  
Naawenwama nsanja alege a weeni nuruba  
Yeezu ale jam sak ti wensie njaai la.



Naawen Chiika a deri de mi niŋ ate mi jueli ga a jo. Mi yaa nya Wenŋmazuk naam zukpaglik ale ka za ate nuru a kali ka zuk.




Ate mi yaa wom njanta baai buuni meena ale bo  
wennmazuk ale tenzuk meena ale kpilun ale nyiam  
po meena ate ba jam a yi yiila a  
weeni ayen, "Ni basi ate ti pak  
waai ale kali Wennmazuk naamu  
zukpaglika zuk la ale pabiika,  
dii nyin la ba ta ka zula ale nalim  
ale pagrim  
yegayega  
taam wuu."



Mi yaa nya Naawen tɛŋ kpien kaai ate wa jam lueri a te wa dek la a yaa basi wɛnɛmazuk siŋ tɛnɔzuk. Tɛnɔ kpien kala ale Jerusalem paalika. Ku jam a nɛ se ka nipɔk ale kasim jam a gomsɪ wa dek ayen wa yali wa chora la. Mi yaa wom ale lueluk kpionɔ a nyini wɛnɛmazuk


zukpaglika  
jigini a yaa a  
weeni ayen,  
“Wom mi.

Yɔgyɔgla, Naawen  
ale nuruba ale boro  
ale ka chaab. Nuruma  
ale chim ka wa nuruba,  
ate Naawen me a chim  
ba Naawen.”






Sabiilowa yaa dagi Naawen nyuvuri paalika benni dii  
ale jam a nyagsi nna ase nyaasuŋ la. Di jam nyini ka  
Naawen ale Pabiika jigi wenŋmazuk.



Baai ale jam bo dula la, an jam a yaali wenbiri yaase  
chiika. Naawen ale wa nalimu ale a nyagsi ate ba a  
nya. Pabiika me ale ba bolim ate ba nya.




Tuimbaata nyamma ale  
baai ale a nye kabonja  
ale maara velim la, ba  
kan baga a maa jo  
dula. Baai ate ba  
nmarisi ba yuenja a nyo  
Pabiika nyuvuri paalika  
gbaŋka po la, bala  
nyiini ale ba jo du.




“Wa le dui si ba ninyaata a  
basi. Kum ale ninam ale  
nyin domma a kan nman boro.  
Ku le lin jam ka dii la, ku kan  
nman nye dila dii po dii po.”




Ŋanta baai ate Naawen a ka te ba la, a kan maa bo  
teŋka po. Naawen ale Pabiika zulaŋa zukpaglika a bo  
ka dula ate wa tomteeroma puusi a te ba. Ba le nya  
Naawen nimbidiaka ate wa ŋmarisi wa yonni a dueni ba  
die nyiŋ.



Mi yaa nya tɛɲzuk nuruma baai ale jam ka nuru  
kpeenta ale baai ale jam kan daa nuru kpeenta ate  
Naawen yaa nak ba yiti kum po. Ba jam za ka wa  
zulaŋa zukpaglika niŋ. Ba yaa jam lagi nyuvuri gbanƙa  
ale gbanƙsa si chaab. Wa jam bo ba buusa  
a magsi chaab ale ka dii ate ba nye la ale  
dii ale jam ŋmarisi a nyo gbanƙsaŋa  
po la. Baai ate ba an ŋmarisi  
ba yueŋa a nyo  
nyuvuri gbanƙa po  
la, ba jam maa pai ba  
a yuk basi ka dula.



Naawen Chiika ale Pabiika powa a maa chaab a weeni ni ayen, “Ni jam”. Baai meena ale a wom ba wienja la, ale maa weeni kama me ayen, “Ni jam”. Nama meena baai ate nyanyuila a ta ni la, ni jam nyu Naawen nyuvuri paalika nyiamu tiirim.



Naawen a yaali tɛŋka meena demma  
ka nna yegayega ate wa tom wa be  
yeŋka ba jigi, ate baai ale ta siaka  
ale wa la a kan kpi alege ba le  
nya nyuvuri dii ale kan ta  
kpeglimka la.





Aroom Demma 3:23 Nurubiik meena abe tom kaasi kama,  
a yaa yalima ale Naawen zulaŋa.

Aroom Demma 6:23 Boan nyiŋŋa, biem tutuna ale kum a te  
nuruba. Alege Naawen tiirimu ale nyuvuri dii ale kan ta  
kpeglimka ate wa pa di a va Yeezu Kirisita ti Nyɔnɔwa nyiŋ  
a te nuruba la.

Yiburu Demma 9:27 Ku a fe kama ayen nurubiik a kpi  
bunyi dekki. Wa kan kpi buye. Wa dan ga kpi, Naawen le  
bo wa buusa kama.

Efisos Demma 2:8,9 Naawen niaunku nyiŋ ale soa ate ni  
nya varibasika ni siaka nyiŋ. Nama an jam baga a nɛ  
nyaku de ni dega, alege dii ate wa nɛ a te ni la a jam ka  
wa dek tiirim. Ka dila ale soa ate ni ka siuk a baga a ta  
kanjanta ku nyiŋ la.



Aroom Demma 10:9,10 fi dan lak fi noai a weeni ayen,  
“Yeezu ka Nyɔɔ”, a ta siaka fi sunum po ayen Naawen  
nak wa a yiri kum po fi le nya varibasika kama. Dii nyin la,  
ku ka nuru a nin ta siaka wa sunum po ate

Jôôn 3:16,17 Naawen a nye ate wa a chim wayorisima  
nyɔɔ. Nuru abe nin lak wa noai a weeni wa kaasun ate wa  
nya varibasika. Naawen a yaali tɛnka meena demma ka  
nna yegayega ate wa tom wa be yenka ba jigi, ate baai ale  
ta siaka ale wa la a kan kpi alege ba le nya nyuvuri dii ale  
kan ta kpeglimka la. Naawen an tom wa biika ayen wa jam  
chim ka tɛnzuk meena demma buteerɔ, alege wa jam chim  
ka ba varibasido.



1 Jôôn 5:11-13 Ni wom Naawen ale biisi wa biika wie dii la ale nna. Wa pa ka wa nyuvuri dii ale kan ka kpeglimka la a nyo wa Biika nisima po ate wa Biika me a pa di a te tama. Waai ale Naawen Biika abe ale boro ale chaab la, wala a ta nyuvunni de kama. Waai ale Naawen Biika abe ale kan daa bunyi la, wala a maa ka nyuvunni de. Mi a nmarisi gbanƙa de a te ka nama ayen nama baai ale ta siaka ale Naawen Biika la ayen ni seba ayen ni ta nyuvuri dii ale kan ka kpeglimka la kama.



Jôôn 14; 2 Korinti 5; Pa Sakka 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Bili Bible (bwu) © 2003, Wycliffe Bible Translators, Inc. All  
rights reserved.

<https://live.bible.is/bible/BWUTBL/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

